

懷遠縣志卷之一

賜同進士出身安徽鳳陽府懷遠縣知縣孫讓修

地域志

懷遠縣在京師南二千一十里兩江總督治江甯府北三百六十里安徽布政司治安慶府西北六百三十里鳳陽府治鳳陽縣西北八十里

至京師陸行取道宿州而北水行沿淮至淮安入運河達天津三千六百八十里至江甯陸行取道鳳陽而東水行沿淮入運河出江一千五百里至鳳陽陸行取道徐家橋而東九十里水行沿淮由蚌埠而東一百十里

東西廣一百二十里南北袤一百六十里東南至西北斜縱一百

懷遠縣志

卷一

地域志

七十里東北至西南斜縱一百一十里周圍五百二十里東至鳳陽縣界蚌埠三十里至縣治九十里西至蒙城縣界潁邨九十里至縣治一百四十里南至鳳臺縣界黑河七十里至縣治一百四十里北至宿州界澠河九十里至州治一百七十里東南至定遠縣界北爐橋九十里至縣治一百八十里西南至壽州界黃山集七十里至州治一百五十里東北至靈璧縣界太平岡二十五里至縣治一百八十里西北至宿州界趙家集八十里至州治一百七十五里

其地治縣分十都都分十圖而第十都特多二圖凡一百有二圖

縣前一都 土樓縣西十里一都二圖 龍窩縣西三十里一都三圖 文昌街縣北半里

一都 龍王集縣西北三十里一都五圖 呂家淺縣西三十里一都六圖 觀音閣縣西

三里一 張家集 縣西三十里 何家溜 縣西五十里 馬頭集

一部七圖 支子湖 縣西十五里 場河壩 縣西二十里 沙

溝 縣西二十里 柳春塘 縣西四十里 固現村 縣西四十里 尤

村 縣西三十里 西新集 縣北五十里 官庄 縣西三十里 蓮

花寺 縣西五十里 李興集 縣北七十里 丁家樓 縣西三十里

大成寺 縣西八十里 烏雲寺 縣西九十里 寨頭舖 縣西

里三都 劉家集 縣西六十里 李陵店 縣西一百二十里 男溝

集 縣北九十里 貢家集 縣西七十里 龍亢集 縣西九十里

唐家店 縣西三十里 大洪林 縣西五十里 葛家巷 縣西四十

部二 古成 縣北四十里 包家集 縣北六十里 石橋 縣北三十

部五 北興集 縣北七十里 張八營 縣北三十里 火星廟 縣北

懷遠縣志

卷一

地域志

五十里四 高庄 縣北七十里 法莊寺 縣北六十里 高皇集

縣北七十里 曹老集 縣東北四十里 馬家林 縣東北四十里 何家

集 縣北六十里 陳家集 縣北七十里 曹家河 縣北五十里

看瞳集 縣北七十里 大溝集 縣北六十里 梅家橋 縣東北二十

九 韓家店 縣東北五十里 周家集 縣東北四十里 孫興寺 縣北

里六都 大聖集 縣北七十里 新興 縣南十五里 上橋 縣西

五里六 石山 縣南二十里 孔岡 縣南三十里 常家墳 縣南

里六都 孔瞳 縣南四十里 柳溝 縣西三十里 茆塘 縣西南

一都 永平岡 縣南六十里 壽境圖 縣南八十里 高塘寺 縣南

都四里七 龍頭壩 縣東南八十里 郭家店 縣東南九十里 砂江

壩 縣西四十里 虞耕山 縣南九十里 耿家村 縣南七十里

壩 縣南七十里

張準 縣南七十里 錢家巷 縣南五十里 大潑村 縣南五十里

胡疇集 縣南五十里 朱疇橋 縣南五十里 雙廟 縣南五十里

唐集 縣南六十里 平峩山 縣西南七十里 南豐集 縣北

八都 東昇集 縣東一里 新河北 縣東北五十里 裔家灣 縣東

一都 胡家口 縣東北二十里 桃園 縣東北三十里 拖城村 縣

二都 陳村 縣東二十里 十二門 縣東二十里 上下洪 縣

都七 槐樹廟 縣東二十五里 鎮江營 縣東九里 仁和集

縣北四十里 夾山口 縣東二十里 康家橋 縣東三十里 馬

頭城 縣東二十里 草寺 縣東十五里 洪家集 縣東三十里 孝

儀 縣東南三十里 禹帝廟 縣東三十里 考城 縣東五十里 上

窰 縣東南五十里 新城口 縣東南四十里 洛河 縣東南七十里

懷遠縣志 卷一 地域志 三

上方家樓 縣東南七十里

舊志云縣舊有七鄉八十一里曰山西曰東塗曰西塗曰清洛

曰洛河曰在縣曰在樂嗣因凋敝人戶減縮併西塗清洛于洛

河并東塗於山西改在縣曰在城樂善共四十七里嗣經兵燹

視前疲敝益甚議者謂里會併矣而再併為難賦已定矣而減

額則否 國朝仍其舊制數十年生齒漸繁荒地漸墾民生安

堵內有圖大賦繁督課難周有一圖而分上下兩里者有一圖

分上中下三里者今議衰益于里圖多寡間俾輸納有方國課

罔缺亦通變宜民之善術也

按此則雍正初尚分三鄉四十七里今之一百二圖乾隆十三

年改定附誌舊式俾後來有考焉

其走集之地嶮商賈蕃屢里者曰渦河鎮曰洛河鎮曰上密鎮曰考城鎮曰龍亢城爲最著其餘負販所會逢期趨墟者每五六里內輒有之茆塘蘇家集何溜集何家集馬頭集其大者也

縣境諸山

荆山縣所倚也在治西南濱淮突起旁無附麗或云其脈自平阿山迤邐而來頗斷續不可尋也山之顛啓廟在焉騎嶺而南分一隴東行其麓有三皇廟其右爲大聖寺嶺又南一高隴直東行土人謂之大山膀子俗謂臂爲膀言其如臂之面抱也坡隨而下盡于淮爲上洪古名荆山洪其西南分隴復起小山爲斷梅谷一統志謂之斷接谷謂是神禹鑿山處山勢趨淮水水中有州爲曹家洲相傳以爲防風塚石洲也自山巔騎嶺稍北分二隴一隴西行

玉坑在焉土人謂之白雲堆又謂之眠羊石旁有池曰鳳皇池坡隨西北行三里許爲龜山其旁爲駱駝嶺一隴北行迤東爲抱璞巖山之半爲卞和洞文昌閣關帝廟東嶽廟皆在其下前起小土岡爲雲龍岡亦名黃土岡迤西南學宮奠焉卞和洞之左石山犖确永甯宮在其麓西南折縣治奠焉永甯宮之西花將軍墓亦土山也荆山西北隴斷而復起曰橫山橫山亦謂之笛山龜山亦謂之鼓山俱以形似名

水經注淮出於荆山之左當塗之右

梁書昌義之傳督衆軍作荆山堰

魏書地形志沛郡已吾有荆山

隋書地理志鍾離郡後齊置郡曰荆山

宋蘇軾東坡集上巳日遊塗山荆山記所見自注曰荆山下有卞氏採玉坑石如玉不受鑿刻取出山下輒變色不復溫潤元豐九域志蘄縣有荆山鎮

祝穆方輿勝覽荆山在鍾離縣西八十三里梁魏戰爭時又築堰以灌壽陽 斷梅谷周宗征淮以荆塗二山乃濠州之朝岡有王者氣命斷之有梅族居此因曰斷梅谷

王應麟玉海濠州安撫使荆山在西濠水合流

宋濂遊荆塗二山記自塗山麓北經縣治折而西行約二里所至荆山梁魏交兵時就山築堰以灌壽春其遺跡猶斑斑可見復行三十步崖厂如屋側身而入石平如床可坐爲卞和洞自西上復一里所過避雨石石斜倚可避風雨故名又六十步至

產玉坂奇石駢立元質而白緣粲如霜雪云其西有玉池榛荆迷路不可尋矣

曹學佺天下各勝志荆山在縣治西南城經其上山西北有玉坑乃卞和採玉之所其石白潔異常可本志云山有避雨石石上有三人影傍鑿玉佛二字下有二人卧跡東有卞和洞一名抱璞岩可容十餘人又有圓石周可丈二尺上鑿元帝仙桃等字明史地理志懷遠縣荆山在縣西南

大清一統志荆山在懷遠縣西南一里水經注淮水出荆山之左當塗之右魏書地形志已吾有荆山府志東麓有白龜泉北麓有溢貢泉西北有玉坑其北有玉澗南麓有煤澗一名梅澗顧祖禹讀史方輿紀要懷遠縣荆山在縣治西南今縣城經其

上蕭梁于山下立堰以遏淮流因曰荆山堰魏人亦于此地置戍以重兵守之南北多事荆山常爲襟要處水經注淮水過塗山而後至荆山胡氏曰塗山在鍾離西九十五里荆山在鍾離西八十五里蓋淮流屈曲故道里相懸也 按水經注絕無過塗山而後至荆山之文自鍾離至荆山則必先過塗山胡氏九十里八十五里之差明是文字之誤不當從而爲之辭也

康熙鳳陽府志荆山在縣西南一里高一百八十五丈周圍一十七里山上有啓王廟山頂西北有玉坑卞和得玉處也其中白石晶瑩異常他石色皆青黑山上舊有二仙避雨石前有三仙影迹上有玉佛二字後亦有二人跡今裂作三塊山下有仙人卧跡俗名仙人牀東有卞和洞卽抱璞巖中可容數十人石上

有青螺石帳四大字內有泣玉論明御史李循義筆上有瀑布下流激石如碎瓊山下有圓石上鐫二十字云元帝仙桃石往來人不識畧剖與君知萬載留蹤跡 龜山在縣西卽荆山北支橫山荆山西支

乾隆江南通志荆山在懷遠縣西南舊志云山西北有玉坑相傳卞和得玉處其中白石晶瑩不受鑿刻東有卞和洞一名抱璞岩可容數十人上有瀑布又有三仙避雨石仙人睡石北有濯玉澗南麓有梅澗山之餘支爲龜山橫山 斷梅谷在荆塗二山間或曰二山本爲一脉禹以桐柏之流泛濫爲害乃爲山爲二以通之今兩山間有斷梅谷濱淮爲勝云或曰周世宗以荆塗有王氣斷之時谷有梅氏聚族居焉因名

舊縣志荆山在縣治西南二里高一百八十五丈周一十七里
上有啟王廟山頂西北有玉坑爲卞和採玉處陂陁十數似白
石晶瑩不受鑿刻山下有三仙避雨石高七尺廣三尺有三人
影上有玉佛二字石今斷爲二下有仙人睡跡俗呼爲仙人牀
東下有卞和洞巨石崢嶸橫嵌疊架中可容數十人夏月暑氣
不到萬歷時構亭洞口題曰抱璞巖俯瞰萬狀蓋一邑奇觀也
玉峽東南有池深一丈名曰鳳皇池相傳有鳳集故各明御史
楊瞻題石記之又東下有圓石圍可丈餘上有記云元帝仙桃
石往來人不識畧剖與君知萬載留踪跡又西南麓有小洞二
堪容斗粟其石圓淨可愛宛然螺殼因以各洞 龜山在縣治
西下瞰湍河卽荆山之支也形類龜故名 防風塚在縣南七
里曹家洲舊志謂禹會諸侯防風氏後至戮之葬于此此洲水
長亦長從不淹沒亦奇

附荆山辨証

宋濂遊荆塗二山記荆山楚山也楚之先王熊繹僻在荆山七
傳至昭王始遷都郢郢卽今江陵其地有荆山一名景山荆故
楚號也其地宜在楚濠州古鍾離子國與壽春密邇楚自昭王
之後歷十一傳始徙都壽春韓非子所載卞和獻玉事乃在厲
武文三王之際昭王上接武王已越十世當三王時鍾離何嘗
屬楚而強謂卞和至此山耶新序又謂抱玉而泣在共王之時
襍記又在懷王及其子平王之時平王乃昭王之父距懷王九
世共王上至武王亦六世何顛倒如是耶荆山當正諸史傳以

江陵爲正

方以智通雅壽春有荆山以遷郢而名也楚自昭王之後又歷十一傳至考烈王始徙都壽春韓非子所載卞和獻玉事乃在厲武文三王之際昭王上接武王已越十世當三王時鍾離何嘗屬楚而強謂卞和至此山耶新序又謂抱玉而泣在共王時襍記又謂在懷王及其子平王時平王乃昭王父下距懷王九世共王上至武王六世差矣按此蓋襲宋金華之文而陳寔尙不著其名殊爲勦說也以懷遠荆山爲卞和獲璧處更誤

舊縣志卞和不知何許人後封零陽侯不就或謂之楚人愚意和抱玉于荆山而三獻之非習見正知何敢屢進則又疑其爲荆之逸民焉據宋梅聖俞蘇長公詩則玉實出于此山而和爲

此地人矣但地理通釋及方輿勝覽皆曰卞和得玉爲南漳之荆山而所獻之時非當成武文三王之世謂韓非子之說爲謬此亦別有所見姑存之以俟有識者

按邑荆山之名始見于水經注及梁書以爲卞氏採玉處始見于東坡集宋金華闢之是也郢書燕說詩人之常都邑人十相矜以古隼每不惜借材異地說有可附因而實之固不必爲道方志者典訓耳

塗山在淮東與荆夾淮並峙爲勝自縣治至山麓五里雙峰峻聳西峯建禹廟東峯爲無量佛殿山勢西蹙於淮而連延於東西南麓有小塗山頗坦迤文筆峯建焉直西陡下山半有佟妣祖墓面荆山迎淮水左有象嶺右有獅子山象嶺楊應聘墓在焉獅子山

之麓卽下洪也西北麓起小山爲九龍墳一坡直走淮心長可一

里俗名李其西南麓伏而起爲三山亦謂之九岡起伏重疊濱於

天河其山之引而東者曰石門山兩山如門山半有狼洞頗隘北

下爲石門澗境絕幽曠澗左右有圓石二各逕三丈餘呬之音如

鑼鼓曰鑼鼓石濱於淮石門又東爲夾山有徑通南北爲夾山口

石門迤北高嶺三里許起一山爲洪君廟山濱於淮一尖山附其

南曰次山自石門騎嶺而東一峯特高曰獨山又東起一峯無名又

東爲熨斗山頂平而窪大可五畝爲熨斗窩又東曰馬牙山其高

並於獨山北行一隴爲茨山又北下兩小山東曰許家山西曰周

家山皆濱於淮馬牙山又東有小山三曰石虎山亦各穀堆山又

各徐家山有石虎廟山神廟也山勢至此盡矣其南七里別起小

懷遠縣志

卷一

地域志

山爲梁家山其東南五里別起小山爲黃山土人云舊名香山因

舊志謂之其東三里許越澗宋家起小石山孫叔敖墓在其北

郡國志當塗注引皇覽楚大夫子思冢在縣東山鄉西去縣四十

里舊志卽以爲孫叔敖墓非也王景傳云廬江郡界有楚相孫叔

敖所起芍陂稻田而皇覽以爲子思造芍陂迤東北一山曰張公

山與鳳陽縣分界詳視地防茲山之脈宗於莫邪自歷山而北逶

迤至神山拔起五峯左右屏擁中出而伏復隱起於黃山張公山

之間穿陂澤間行化陂湖馬場湖時有奮於石虎張於馬牙乃始

盤礴鬱積截淮而止負西濠憑長淮遠導濶霍近揖明陵所以作

鎮南邦雄視五嶽泣神聖而集冠裳者也

尙書益稷篇娶於塗山孔安國傳曰塗山國名孔穎達正義曰杜

豫云塗山在壽春東北塗山國名蓋近彼山也娶於塗山言其所妻之國耳非就妻家見妻也

史記夏本紀禹曰予辛壬娶塗山癸甲生啓司馬貞素隱曰杜預云塗山在壽春東北皇甫謐云今九江當塗有禹廟則塗山在江南也

說文解字龠會稽山一曰九江當塗也民以辛壬癸甲之日嫁娶从艸余聲虞書曰予娶龠山

劉昭續郡國志九江郡平阿故沛有塗山 按平阿在淮北安得越淮而有塗山或劉氏誤以平阿山爲塗山也

太康地記塗山古當塗國夏禹所娶也山西南又有禹村蓋禹會諸侯之地帝王紀曰帝會諸侯于塗山在禹貢揚州之域今

九江當塗縣有禹娶之地邑界有當塗故城存焉引見太平御覽

魏書地形志沛郡已吾有當塗山

懷遠縣志

卷一

地域志

十

唐六典淮南道各山有塗山

十道志塗山在臨淮郡西引見太平御覽

唐李吉甫元和郡縣志鍾離縣塗山在縣西九十五里

杜佑通典濠州昔禹會諸侯於塗山卽其地今鍾離縣西百里有塗山是也

新唐書地理志鍾離縣有塗山

宋王存元豐九域志鍾離有塗山

祝穆方輿勝覽塗山鍾離縣西九十里紹興亦有塗山未知孰是

樂史太平寰宇記鍾離塗縣山在縣西九十五里

太康地志云塗山古當塗國夏禹所娶也山西南又有禹會村

蓋禹會諸侯之地又帝王紀曰禹會諸侯於塗山在禹貢揚州之域今九江當塗縣有禹聚之地

王應麟通鑑地理通釋塗山在壽春縣東北濠州鍾離縣西九十五里禹會諸侯周穆亦會柳宗元有銘

明宋濂遊荆塗二山記棹舟至塗山足曳杖入山山旁廢址舊皆民廬前渡石梁復斗折而上可三里北累石爲塘多藝椒之園行可三里餘視大盤石青綠間錯頽然欹足坐諦視之乾蘚交封之耳有草生石上高一尺其花可愛不假土力人取懸檐間呼爲石蓮花復行四里所巖石犖确插起道左危傾欲飛墜復二里所從微徑入灌莽抵崖罅貯泉一泓味甚甘覆以生茨曰聖水亭取水以禱雨多驗復一里餘至山顛禹廟在焉遊目

四顧長淮西來渦河北濰而壽春臨濠宿州之境皆在冥茫昏沓中緬想南北戰爭屯戍處爲感慨者久之復從廟西循石坡下鉅石危立如人形遙望之一嫗儼然也相傳爲啟母石廟史云居人每封羊豕祭之至有以粉黛飾其貌者聞之不覺大笑山椒舊有僧房今廢

曹學佺天下名勝志懷遠縣塗山在治東南八里水經云淮水出荆山之左塗山之右二山對峙相爲一脉自神禹以桐柏之水泛濫爲害乃鑿山爲二以通之今兩崖間鏟痕猶故

明史地理志懷遠縣塗山在縣東南

大清一統志塗山在懷遠縣東南八里淮河東岸亦名當塗山左傳昭公四年椒舉言于楚子曰穆有塗山之會又哀公七年

子服景伯曰禹會諸侯于塗山執玉帛者萬國杜預注塗山在壽春東北卽禹會諸侯處魏書地形志沛郡已吾有當塗山唐六典塗山淮南道各山之一元和志塗山在鍾離縣西九十五里圖經荆塗二山相爲一脈禹鑿爲二以通淮流今兩山間有斷接谷濱淮爲勝野客叢譚塗山有四一會稽二渝州三濠州鍾離縣四宣州當塗縣皆立禹廟

顧祖禹讀史方輿紀要懷遠縣塗山在縣東南八里與荆山相對峙水經注云荆塗二山相爲一脈禹以桐柏之流泛濫爲害乃鑿山爲二以通之

按水經注無此語顧氏援引之誤

康熙鳳陽府志塗山在縣東南八里高二百一十三丈週圍四

十六里水經云荆山左塗山右二山對峙相爲一脈自神禹以桐柏之水泛濫爲害鑿山爲二以通之今兩岸鑿痕猶存左傳禹會諸侯于塗山卽此今山巔有禹廟廟東數武有朝陽石上鑄傳心十六字廟西下陡峻處有泉澄瑩四時不竭遇旱禱雨泉邊輒應故鑄其石曰靈泉山半有聚仙臺卧仙石山之東有虎兇窩淮西岸有防風塚西麓有崇伯觀以祀伯鯨者山前有禹會村史記諸書以爲禹會諸侯在會稽宋濂遊荆塗二山記云當稽之左氏以壽春爲正 按所引水經誤同顧氏乾隆江南通志塗山在懷遠縣南八里與荆山兩岸對峙而淮流經其中古塗山氏國于此春秋傳云禹會諸侯于塗山杜預謂在壽春東北者是也山下有禹墟及禹會村又山半有聚仙

臺卧仙石又有靈泉澄瑩不竭其南麓曰九岡岡形夾澗起伏有九俗名九岡十八窪適府之通衢

舊縣志塗山在縣東南五里淮河東岸高二百一十三丈周四十六里圖經云平阿縣東有荆塗二山聯為一脈淮水繞其右

禹鑿為二以通之今兩岸間鑿痕猶存按此引圖經不知所本文與一統志所引小異

山之東為虎兇窩俗稱狼洞 張公山在縣南二十里舊時山下有張氏居故名 王二山在縣東二十里山下舊有王氏居

故名 小塗山在塗山西麓為儒學朝岡 九岡山在塗山南麓岡形夾澗起伏有九俗名九岡十八窪適府之通衢也

附諸家塗山辨証

酈道元水經注淮水篇春秋哀公十年大夫對孟孫曰禹會諸

侯於塗山執玉帛者萬國杜預曰塗山在壽春東北非也余按國語曰吳伐楚隳會稽獲骨焉節車吳子使來聘且問之客執骨而問曰敢問骨何為大仲尼曰某聞之昔禹致羣神于會稽之山防風氏後至禹殺之其骨專車此為大也蓋邱明親承聖旨錄為實證矣又按劉向說苑辨物王肅之敘孔子廿二世孫孔猛所出先人書家語竝出此事故塗山有會稽之名考校羣書及方土之目疑非此矣蓋周穆之所會矣

又江水篇南流歷巴中經巴縣故城南江之北岸有塗山南有夏禹廟塗君祠廟銘存焉常璩庫仲雍竝言禹娶于此余按羣書咸言禹娶在壽春當塗不於此也

燕鶚演義塗山有四一會稽二渝州三濠州四當塗其處皆有

禹跡

宋濂荆塗二山記左氏傳云禹會諸侯于塗山杜預注云在壽春東北說者云今濠州是也國語史記則又云禹會諸侯於會稽亦有塗山吳越春秋亦以塗山在會稽應劭云塗山在永興北說者云今會稽蕭山縣是也是二說已不能歸於一致矣至於蘇鶚演義又云塗山有四一會稽二渝州三濠州四當塗然其處皆有禹跡或者遂謂禹之治水固當遍歷宇內而會諸侯實在會稽之塗山柳子厚塗山銘蘇子瞻子由塗山指在濠者皆非是大抵山川遺跡非本諸經史多不可信必欲可信塗山當稽之左氏以壽春爲正有謂塗氏山乃古國各禹曾娶其女者別是一說與此殊不相涉也方以智通雅齋山有四古會稽

竝轄淮南塗山實在壽春非山陰也淮水過當塗縣非今太平之當塗也塗山在壽春東北濠州鍾離縣西九十五里禹會諸侯周穆王亦會智又按晉常璩巴志言禹娶塗山今江州塗山是也江州縣郡治塗山有禹王廟及塗后祠北水有銘曰張太守于此仙去水經注引哀七年禹會諸侯于塗山杜預曰塗山在壽春東北史記索隱又以塗山在今九江余按國語仲尼曰禹致羣神于會稽防風後至殺之其骨專車劉向王肅竝有此說則酈君似以塗山在會稽王伯厚確以爲在壽春或者禹所至山別有會稽之名乎地理志當塗侯國也淮水過之禹娶塗山卽其地呂覽曰江淮以辛壬癸甲爲嫁娶日此足証也太平之當塗乃僑立各耳杜預所謂塗山在壽春縣東說者云今濠

州是也吳起春秋亦以會稽有塗山又兼載塗山之歌應劭云塗山在永興北或云蕭山縣是已疑矣蘇鶚演義云塗山有四一會稽二渝州三濠州四當塗皆有禹跡蓋附會耳章本清謂椰子厚塗山銘蘇子由塗山詩指在濠州皆非是此疑未決耳王楙引翠微考異以宣之當塗正禹之娶所則楙尤無識矣當是古之會稽所轄者大戰國之楚則徐州南京皆是也勾踐滅吳則吳地皆越故通稱會稽後分爲吳郡會稽郡故又合言吳會或言濠州之塗山甚小豈能容諸侯不知古言其會地豈直在山上耶

按塗山有四說皆附會宣州當塗乃東晉僑縣其有塗山又因當塗之名而增飾之不足辨也巴州塗山不見經傳漢人相承

無有是說常璩庫仲雍之言酈氏已明辨之會稽塗山乃因禹會諸侯彼此異文牽連合之因生異說耳所以然者左氏傳言會諸侯於塗山而國語言會羣神於會稽讀者疑爲一事遂謂塗山卽會稽之異名遂并禹娶之地增飾入之不知竹書紀年禹五年會塗山八年會會稽截然兩地知其爲兩時兩地卽知會稽塗山各有專名不必疑塗山于會稽矣方氏創爲古時會稽地大之說又欲附會稽于塗山以調和兩說見旣騎牆語尤鮮証不足承也縣之塗山確然爲尙書左傳之塗山而會稽則自名會稽山不名塗山會稽山一名茅山見吳越春秋一名坊山一名棟山見水經注一謂之鍾山各苗山見羅莘路惟指山下沙洲爲防風塚此淺綴飾自生支節戮防風自在會稽不在塗山也不得援蘇長公地理汪罔之

句以爲証矣

鑛鈔山今之上審新城諸山皆是也古統名之其脈自合肥迤邐而來分兩支由武店諸山羣峯東指皆趨鳳陽一自猴尖山西落平原五里許起土阜數十里至橫山而始大山之下爲騎山店以跨山間故各南走定遠北爐橋大道也至橫山則入縣境矣橫山西迤爲光山北引爲團大山北引爲猿臂皆土山又西爲馬山大山馬山之間施家澗水所出也連峯迤西爲紅山綠山馳腰山皆巨石磯磳馳腰山轉而北爲張家山張家山轉東爲蔣家山出石又東引爲次山亦名石爲石牛山而泉源塘水出馳腰山張家山之間云其泉可愈痼疾紅山綠山北面之澗石雲石牛南面之澗皆隨流北注蔣家山之北有燈盞窩北流合龍窩水焉馳腰山轉

西南爲十里頂爲錐子山爲涼泉山三峯高峻並峙涼泉山下有韋家山龍尾山柱山錐子山下有獐而涼泉出涼泉山下南流入洛十里頂亦有澗水西南流二三里入施家澗自張家山迤西爲狼山爲路牽驢坂爲黃山迤南起大峯又南爲貢家大山卽方志所謂鴻山也最高爲羣山之宗南爲戴家頂又西南爲唐家山萬山亦曰黃官山亦曰小長山亦曰青屏山俗名柴王寺前爲九女古堆果老泉在其陽山至此濱於洛黃山之北迤爲孟家尖亦高峯也又北引爲龍尾山光斗山轉東爲大武山小武山亦曰大間子山小間子山黑石山亦曰瓜山至五里鋪而盡於平原以上皆在上黃山迤北諸澗合爲龍窩水會于燈盞窩水而北注黃山迤西爲周山山之西曰兜嘴茶山下自茶亭官路所經也又西特起爲洞山卽方志所謂神山也高與鴻山並山之陽有石

洞口徑丈餘云可通鳳陽禪窟寺之伏虎洞旁有寺亦幽邃山南環土阜五六不盡可名其北則路同山或曰大莫山迤東北特起

爲普隨山亦曰木欒山亦曰蒲東北坡陔爲獾狗山亦各石龜山

亦各曰普隨迤西有江家山李家山小莫山俗名藍皆培壤洞山

普隨山之間則木欒泉所出也或曰山多莞草俗又訛爲官泉云

路同西轉特起爲鷹嘴山一澗出其東西南流入郝家溝一澗出

其北爲潑兒泉北流入洪塘鷹嘴西爲過路山廟山轉南爲錢家

山自錢家山迤邐而東爲黃山次山老官山亦各老而上窰鎮當

次山老官山之間老官山左右土山廟山之北爲三山窰爲橫山

爲獨山而山勢盡矣獨山稍高其西北麓有官泉北流合潑兒泉

廟山迤西爲魏家大山東斗山西斗山亦各東九女山歷山濱於洛

自西斗山北出爲香山又北特起爲焦山特高峻又西爲斗山轉

西南爲狗山猫山光斗山馬山寨子山大補山小女山窰子山封

山亦曰愛山新皆濱於洛焦山又北爲鍋底山鍋蓋山轉西北爲

雙頭山山北爲尺八山亦曰赤大莫山上有泉酌之不特起爲中

峯頂高與焦山並又西爲豬皮山魯家山轉北爲米家山亦各塔

迤西爲共家山姚家山黃曠窪濱於淮焦山之下有火龍窪水匯

諸澗水西北流入于淮迤東諸山澗則北流合潑兒泉入洪塘涼

泉山東距橫山口七里洞山東南距涼泉山四里焦山東距洞山

九里焦山西北盡封山九里東西長可三十里南北經可十里上

窰西北行經錢家大山三山窰獨山過官泉橋而北至洪家集爲

赴馬頭城之通路五里東北行經老官山過趙家橋茶山斗兒澗